

Date 10.02.2016

Nr. Prot: 9347/1

Lënda: Në përgjigje të Urdhërit Tuaj të inspektimit administrativ me Nr. 19, datë 08.02.2016.

Drejtuar: Komisionerit për të Drejtën e Informimit dhe Mbrojtjen e të dhënave Personale;

Për dijeni: **Z. Dorian Maltija**, Qendra "Res Publica"
Bulervardi "Gjergj Fishta", Nd.24, H3, Ap.44, Tiranë

Nga: Albpetrol sh.a

Më datë 28.12.2015 në shoqërinë Albpetrol sh.a ka mbërritur një kërkesë e protokolluar me Nr. 9347 dhe kërkues Qendrën "Res Publica", e cila kërkon informacione në lidhje me ngjarjen e ndodhur më datë 01.04.2014 pranë pusit P29 në Marinzë ku ka pasur një shpërthim gazi.

Qendra "Res Publica" ka kërkuar informacion të detajuar në lidhje me masat e marra për rehabilitimin e zonës; dëmet e shkaktuara; dëmshpërblimin e ofruar për subjektet e dëmtuara dhe informacion në lidhje me lëndët e nevojshme për nxjerrjen e naftës, të cilat janë injektuar në zonë nga viti 1980.

Albpetrol sh.a e ka marrë në shqyrtim kërkesën e ardhur nga Qendra "Res Publica" dhe më datë 12.01.2016 Drejtori i Marketingut dhe Marrëdhënieve me Publikun, Ened Janina, ka kontaktuar në linjë telefonike me Drejtorin Ekzekutiv të Qendrës "Res Publica, Dorian Matlija me numër telefoni +35569xxxx701. Zotit Matlija i është shpjeguar në telefon se shoqëria Albpetrol sh.a nuk e disponon materialin e kërkuar nga Qendra "Res Publica" pasi për këtë çështje janë ngritur dy grupe pune të drejtuar nga Ministria e Industrisë dhe Energjisë dhe Prefekti i Qarkut Fier. Gjatë bisedës telefonike i është sugjeruar Drejtorit Ekzekutiv të Qendrës "Res Publika" një takim për të sqaruar situatën, por prej tij situata është konsideruar e sqaruar dhe takimi nuk ishte i nevojshëm. Në këto kushte Albpetrol sh.a nuk e ka gjykuar se ishte e nevojshme që të kthehej një përgjigjeje me shkresë zyrtare.

Në përgjigje të urdhrit tuaj nr. 19, datë 08.02.2016, nr.prot: 132/1 ju kthejmë përgjigjen e mëposhtme:



Në lidhje me ngjarjen e ndodhur më datë 01.04.2014 në Marinzë, me urdhër të Ministrit të Energjisë dhe Industrisë, Nr.89, datë 01.04.2015, është ngritur një Grup Pune për analizimin e situatës në vendburimin e Patos Marinzës.

Grupi i punës drejtohet nga Ministria e Energjisë dhe Industrisë dhe përbëhet nga përfaqësues të MEI; AKBN dhe Albpetrol. Më datë 08.01.2014 ky Grup Pune ka publikuar një raport për situatën.

Albpetrol sh.a është vetëm një nga institucionet që përbëjnë Grupin e Punës, i cili drejtohet nga MEI dhe për pasojë nuk mund t'ju japë një informacion zyrtar në lidhje me kërkesën tuaj. Këtë informacion mund ta merrni pranë Ministrisë së Energjisë dhe Ekonomisë.

Gjithashtu, Prefektura e Qarkut Fier ka krijuar më datë 01.04.2014 një Komision të përbashkët pune për verifikimin e dëmeve. Anëtarët e këtij komisioni kanë qenë Prefektura e Qarkut Fier; Qarku Fier; Komuna Marinzë dhe kompania Bankers Petroleum. Më datë 21.04.2014 ky Komision ka përfunduar verifikimet në terren. Komisioni ka ndjekur më pas edhe procedurën e përcaktimit të dëmeve dhe zhdëmtimit të tyre nga ana e përgjegjësve. Informacionin për mbarëvajtjen e kësaj procedure mund ta merrni pranë Prefekturës së Qarkut Fier por në dijeninë tonë nuk ka pasur ndotje toksike.

Në lidhje me pyetjen tuaj mbi llojin dhe sasinë e injektimit të lëndëve të nevojshme për nxjerrjen e naftës në zonën e Patos Marinzës nga viti 1980 deri në vitin 2015, ju bëjmë me dije që ne nuk e disponojmë këtë informacion.

Shpresojmë që këto të dhëna t'ju ndihmojnë në mbarëvajtjen e punës tuaj.

Ju faleminderit për bashkepunimin!

ADMINISTRATORI
ENDRI PUKA

